

Meeqqap napparsimanerani ullormi siullermi sulingiffeqarsinnaatitaanerup annertusineqarnissaanut periarfissat kiisalu angajoqqaat qitornami napparsimasup angerlarsimaqatiginissaanut pitsaanusunik periarfissiisumik ataqatigiinnerusumik aaqqiissummik pilersinissaannik, Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliffeqarnermi illuatungerisat oqaloqatiginerisigut nassuiaat suliarineqassaaq, ilutigisaanillu najoqqutassani assigiinngitsuni aningaasatigut, allaffissornikkullu kingunisai ersarissarneqassallutik.

(Inatsisartunut ilaasortaq Pipaluk Olsen, Demokraatit)

Qujanaq siulittaasoq.

Uani siunnersuummi qujassutigaaara partiit isumaqatigiittorujussuugatta siunnersuummut.

Naleqqamiit neriutitta pingaarnersaraat uani inersuarmi eqqartoriikkagut tamaasa Naalakkersuisut qulaajaareerunik oqaasiinaangitsumik siunnerfeqarnissamik kissaateqarpugut. Massakkut assut neriulersitsiinarpoq massakkummi siunnersuuteqartoq Naalakkersuisooqataasunut ilaasortaavoq. Taamaammat ilaqutariit peqqissut pilersinniarneqarneranni Naleqqamiit oqaloqataallutalu ilusilersueqataanissatsinnut piareersimavugut.

Uani aamma nuannaarutigaarput ulloq siulleg napparsimanermiit ulloq 1-miit 5-mut inissinniarneqarsinnaanera Naalakkersuisuniit ammaffigineqarmat, Naleqqamiit tamanna iluaraarput. Naleqqamiit nunatsinni ilaqutariissuseq peqqissoq iluanaarfiulluartoq siunnerfigissallugu uani siunnersuummi akuerseqataalluta taaseqataassaagut. Tassanili pingaartitarput Naleqqamiit tassaalluni piviusunngortitsinissaq pisariaqavimmat.

Ataatsimiitsitaliamili aamma sulilluartoqarsimanera qutsavigaarput.

Kingulliullugulu minnerunngitsumik meerannguup anaanamik ataamillu pisariaqartitsisarnini napparsimanermini siunissami pitsaasumik siunnerfigineqarnini neriuppugut nuannaarutigiumaaraa. Meerannguit siunissatut taakkartukkagut iluamik pitsaasumik atugassaqartittariaqarpagut. Taamaammat uani siunnersuut



16-06-2026
Naleraq

UPA2026/149
Gerth Mikaelson

ilaqtariissusermut peqqissumut siunertarineqarmat Naleqqamiit oqaloqataanerput iluaraarput.

Taamaalillutalu siunnersuut akuerseqataalluta taasiffiginissaa oqaatigissavarput.

Qujanaq.